



Inatsisartuni ilaasortaq, Nikolaj Jeremiassen

**Kangaatsiaq umiarsualiveqarnikkut talittarfeqarnikkullu  
ajornartorsiorfiuneranut pitsanngorsaaniarluni suliniuteqarnissamut  
Naalakkersuisut pilersaarutaat pillugit § 37 naapertorlugu apeqqt nr. 298-imut  
akissuteqaat**

Brevdato: 30-12-2015  
Sags nr. 2015-17433  
Dok. nr. 6893852

Asasara Nikolaj Jeremiassen

Postboks 909  
3900 Nuuk  
Tlf.: (+299) 34 50 00  
Fax: (+299) 32 52 86  
E-mail: isan@nanoq.gl  
www.naalakkersuisut.gl

Kangaatsiami talittarfeqarneq umiarsualiveqarnerlu pillugit apeqqtinnut, Inatsisartut Suleriaasianni § 37 naapertorlugu nassiussimasarnut qjanaq.

Illoqarfiit nunaqarfiillu killeqarfiisa iluanni umiarsualivinnik aserfallatsaaliuinissaq iluarsaassinissarlu nunap immikkoortuini aserfallatsaaliuinissamut suliniutip ataani aqqissuunneqarput, tassanilu nuna immikkoortunut tallimanut avinneqarpoq. Suliniut 2010-mili suliarineqarpoq, ingerlanneqarneranilu nunap immikkoortuani ataatsimi piffissami suliffiusumi qanoq issutsit nalunaarsorneqartarput, piffissamilu suliffiusumi tullermi iluarsaassineq ingerlanneqartarluni. Suliat kaaviiartut siulliit naammassereerput, tassanilu pingaartumik umiarsualiviit aqqissuussaanerat sannaalu nammattut aallunneqarput.

Tamatuma saniatigut umiarsualiviup atuuffini naammassisinnaanngikkaa, imaluunniit umiarsualivik tassanngaannartumik ajoqusersinnaasut ulorianartorsiortoq naliliisoqarpat, nunap immikkoortuani aserfallatsaaliuinissamut suliniutit avaqqullugit sanaartornernik aallartitsisoqarsinnaassaaq.

Ukioq manna Qeqertarsuup Tunuani – Attumiit Saqqamut – qanoq issutsimik nalunaarsuisoqarpoq, taamaattumillu sumiiffimmi tassani 2016-imi iluarsaassisoqassaaq. Taakkununga Kangaatsiaq ilaatinneqarpoq, tassanilu ajoqutit pisariaqartitallu nalunaarsorneqarsimasut 2016-imi suliarineqassapput. Matumani ilaatigut sapusiap iluarsaanneqarnissaa ilaatinneqarpoq – illit oqarnittut – sikumit anorimillu ajoquserneqarsimammat. Kiisalu umiarsuaaqqanut talittarfiup kujammut kangimut teqqquani pituffik nutaaq ikkunneqassaaq majuartarfiillu nutaat ikkunneqassallutik. Taamatuttaaq umiarsuaaqqanut talittarfik illersuutini tapertaasussanik pisariaqartitsiviunersoq misissorneqassaaq.

Naalakkersuisoqatigiinnissamut isumaqatigiisummi issuagaq “Angallanneq nunatsinni innuttaasunut inuussutissarsiornermullu iluaqutaasussanngorlugu aqqissuunneqassasoq, aammalu takornariartitsisarnerup iluani inuussutissarsiortert ingerlallualernissaannut naapertuuttumik aqqissuunneqassalluni” isumaqatigaara. Tamanna pissutigalugu Kangaatsiami talittarfiup siunissami tamatigoortumik atorsinnaasunngorlugu qaffatsinneqarnissaa pilersaarutaavoq. Tassani talittarfimmi aalisarnermik inuussutissarsiornermi, takornariaqarnermik inuussutissarsiornermi talittarfimmilu atuisut allat pisariaqartissinnaasaannik isumaginninnissaq eqqarsaatigineqarpoq. Kangaatsiamut tunngatillugu tamanna ilaatigut majuartarfinnik, ulittarneranut tinittarneranullu naleqqussakkanik ikkussisoqarneranik kinguneqassaaq.

Talittarfiinnaqarnera eqqarsaatigalugu umiarsuarnik pajuttunik talittoqartillugu umiatsiat angallatillu minnerit illuarsinnaapput. Aalisariut umiarsuarlu pajuttoq ataatsikkut talissimanissaannik pisariaqartitsisarneq eqqarsaatigalugu, umiarsuit pineqartut akornanni ataqatigiissaarinikkut aaqinneqarsinnaassapput.

Neriuppunga matuma siuliani allassimasuni apeqquutit akisimassallugit.

Inussiarnersumik inuulluaqqusillunga

Knud Kristiansen